







AUG

9200-

-9219





MERCURIUS
SERAPHICUS
Pro Domo Domini
FACUNDUS
D. SIMON
DE

LIPNICA,

Recurrente annua suæ Festivitatis luce

In Conventu Stradomienfi

Ordinis Minorum S. FRANCISCI,

Regularis Observantiæ P. P. Bernardinorum,

Cultu Panegyrico,

Per

M. PAULUM JOSEPHUM GORCZYCKI,

In Alma Vniversitate Cracoviensi Philosophiæ Doctorem &
Professorem.

DEMONSTRATVS.

Annô, quô

Verbum Æternum pro salute generis humani pe-
roravit. 1725. Die Mercurij Mensis 18. Julij.

Cracoviæ, Typis Academicis Collegij Majoris.

In Gentilitium Stemma
ILLVSTRISSIMÆ DOMVS.
MICHALOVIANÆ



Aug.
9209
Dum ROSA suaveolens Clavi sociata refulget,
Hinc Patriæ toti panditur almus odor.
Aurea sub Cælestia Clavis sidera fertur,
Lechiadis ipsum vult referare Polum.

ILLVSTRISSIMO
&
MAGNIFICO DOMINO,
D. JOSEPHO
SIMONI
IN MICHALOW

MICHAŁOWSKI,
SUBDAPIFERO PALATINATUS, VICE-
CAPITANEO & JUDICI Castri Cracoviensis,

Domino ac Mecoænati
Amplissimo.



*Acundus pro Domo Domini Mercurius D. SIMON minùs facundò O-
ratoris eloquiò declaratus, in Tuum
Gentilitium è Seraphico Calo dum de-
scendit Rosetum, etiam Hortensius nun-
cupandus. Illustrissime Domine. Iam
enim non verba duntaxat, sed & ro-
sas SIMONI facile perorare, ad Tu-
am ROSAM consistendo. Nunquam verò hoc Rosetum
subintrare auderet, ni liberum aditum repanderet CLAVIS.*

A

Alijs

Alijs quidem sub clavi persistere, captivari est, sub Tua aurea, unica recreatio; cui non Mercurios tantum, ast & Iones Sarmaticos non insolitum asservare. Delectat Patriam ROSA, CLAVIS fortunam ejus securam reddit. Hac aperit in magnis Viris proficuos Reipublicæ sensus, illa sua amantate florenti Patriæ ver perpetuū inducit. Hac, ne aurea Libertatis gemma subripiatur, ostium insenso hosti non hospitii claudit, illa suavissimo odore nocivos Lechiæ interimit scarabeos. Ambæ in bonum Patriæ, cujus cor non semel certè deficeret vitæ, ni CLAVI obseraretur, ni languens fragrantè refocillaretur ROSA. Non de vili hæc est ROSA viridario, à Rosinis adhuc Romanis suam plantationem habet. Post primò in Bohemia suum explicuit florem, tandem in Polonū campum feliciter transplatata. Mirare Sarmatia fragrantiam ROSÆ MICHAŁOVIANÆ, quæ odore suo ipsum replevit Polum. Quæ enim ROSA Stemma Gentilitium est MICHAŁOVIIS, eadem & D. ADALBERTO. In PRIMATE Regni Divinissimo primas occupavit Curules, illis est semper digna. Facile Purpuratos Proceres dat Patriæ, quæ pro DEO & Fide zelosissimum dedit Martyrem Cælo. Sed ne sub ROSA arcana laterent, CLAVIM ROSÆ CASIMIRUS Rex contulit, quòd IADZWINGORUM aciem, quam MASLAUS Mazoviæ Princeps deduxerat, acerrimis hebetavit aculeis. Patuit hac CLAVE ad fortunam janua, dum MICHAŁOVIVS ultimam Hæredisam Principem in Ducatu Mazoviæ IASIENCZYKOWNA, per conjugale vinculum in suum suscepit Rosetum. Patuere honorum postes augusto Majorum ingressui, è quibus Viri non uni Metello & Scipioni pares, illustres animæ infatis obnubilari nesciunt, diemq; ferunt inter noctes NICOLAVS de Michałow MICHAŁOWSKI, Palatinus Sandomiriensis, toties pro Patria verus ore Tullius, sapissimus ad Lithuanos in causis gravissimis Nuntius, in quo fuit, quod obstupesceret Lithuania. Nihil NICOLAUS pro

integri-

integritate Reipublicæ effatus, quod non fuisset aurò ponde-
randum. Unius nominis, nec alius à primo virtutis de Mi-
chatow MICHAŁOWSKI, Castellanus & Capitaneus Craco-
viensis tempore D. VLADISLAI IAGELLONIS contra
Cruciferos Supremus Exercituum Dux, sola Regis Maje-
state minor, & purpurati in summo honoris cum Epami-
nondis etiam certare suppar, qui quoties ferrum in fœdisfra-
gos Ægeones strinxit, toties victor evasit. Nescit sub RO-
SA silentium ALBERTUS de Michałow MICHA-
ŁOWSKI, Castellanus Zawihostensis, pro quo virtus pero-
rat. Ad trabeatum hic honorem natus, illa animi magnitu-
dine, illâ prudentiâ polluit, quâ & post fata clarere decet
Senatorem. Sequuntur majori numerò magni Fabij, Ora-
cula Senatûs, VALENTINVS Palatinus Podlachie,
STANISLAUS Sub-Iudex Ravensis, IACOBVS Pocillator,
GASPAR Vexillifer Terra Cernensis MICHAŁOWSKI,
quorum singulorum illustria facta cum Historias faciant, so-
lò mihi memoranda silentiò. Inseruit immortalibus astris
Sacra Astræa, quid quid optimus MELCHIORIS MI-
CHAŁOWSKI, Vicecapitanei & Iudicis Castri Craco-
viensis, Tribuni Lublinensis animus pro causa DEI & ju-
stitia fecit. Summus hac legum Arbiter ad Regni Tribunal
quatuor vicibus liberis totius Palatinatûs votis Deputatus,
nunquam putativum Iustitiæ, sed perfectum Patronum egit.
Illa consilia dabat, ad quæ non unus suspendit Cato super-
cilium. Processit virtutis à Paterna Idea IACOBVS
MICHAŁOWSKI Castellanus Becensis bellatorum
gloria. Igneus pro juribus Universitatis Cracoviensis
Zelator non erubuit Hectorem agere, quoties con-
tra Sacrum Polonæ Sapientiæ Palladium vis aliena surre-
xerat. Dignus immortalibus gratitudinis literis, qui pro
literarum Regno Senatoriò votò decertabat. Non dispar
Castori Pollux HYACINTHUS MICHAŁOWSKI,
Capitaneus Crepicensis, qui pretiosis virtutum dives hya-

cynthias saepe monstravit MICHALOVIANÆ CLAVI ni-
 hil in-vium, nullumq; certamen, in quo illa non referasset
 januam ad triumphos. Ingentia horum duorum Nomina
 ut Numina fuere. IACOBUS KAZANOVIANO,
 HYACINTHUS in Tarnow Comitum sanguini per
 dignissimas Consortes juncti, uterq; estimatissimus unio, Le-
 chie Coronam etiam post sua exornat fata. IACOBI
 Aui Tui ILLVSTRISSE Domine ampliat
 gloriam immortalem Tuus dignissimus Parens MEL-
 CHIOR Dapifer Rosanensis, & ROSA Gentilitiâ
 vernat, & præclaris operibus. Hac semper duxit floralia,
 quæ ex virtutis, & meritorum cultura procedebant. Ro-
 sinus verior extitit, qui floriditate verborum amarus, illas
 Patriæ Rosas locutus, quas nec unquam Majestas memi-
 nit se Romana locutam. Decora ejus & merita etiam in-
 de summam estimationem merentur, quod illis CZAR-
 NECCIANA NAVIS meritorum in Republica
 Polona accessit oneraria, dum ALEXANDRAM
 de CZARNCA CZARNECKA STEPHANI
 CZARNECKI Palatini Russiæ fortissimi à Borysthe-
 ne, Ponto, Moschua immanis Hydræ Domitoris germa-
 nam filiastram, STEPHANI CZARNECKI,
 Palatinatûs Cracoviensis Ensiferi, moribus Catonis, eloquiô
 Nestoris Neptim, MARTINI CZARNECKI,
 Generalis Castrorum Regni Præfecti, magni Lechie Pom-
 pei portionem cordis potissimam unicam Filiam in vitæ So-
 ciam duxit. Vivere desijt MELCHIOR, sed magnus
 Filiorum Ternio eundem facit immortalem. NICOLAVS Ca-
 nonicus Pramysliensis, STEPHANUS exotici delici-
 um Martis, uterq; brevi spatio vitæ longam sibi prome-
 ruit aternitatem. Immo in Tuo Fraternali pectore adhuc
 vivunt immortaliter. Tibi natu Majori de suis annis ad-
 dere volebant, ut diutius Patriæ bono, & Domûs ILLV-
 STRISSIMÆ augmento decoriq; maximo interesses. Tu

enim

enim venerabile Majorum Tuorum Pantheon es, qui
cuncta hac, quaecumq; in Antecessoribus Tuis admirata
Polonia, ingenio Tuò in Epitomen redequisti. Hoc nisi ab
illis discrimine, quod honores meritis Tuis debitos ex inna-
ta modestia recusare contendis, mereri non habere digni-
tates contentus. Prima vita tua cunabula scrutari timeo,
quæ absq; prodigio non fuerunt. Necdū natus fuisti, jam no-
mine SIMONIS de LIPNICA ut notus esses, in som-
nijs Parens Tua dulcissima monitionem accepit. Arca-
num hoc non sine Celi instinctu fuit, Te virtutum Divaq;
Themidis strictiorem observatorem prævidit. Unde non
modò primum SIMON D. ad Te ILLUSTRIS-
DOMINE suam relationem habet, Celi ipsi Tuum esse
Patronum decreverunt. SIMONI adjunxisti IOSE-
PHI nomen, utroq; dignus. Etiam IOSEPHUS di-
ci debueras, cum in Te Patria sui agnoscat incrementum.
Strenuus Achilles teneros Bellona dicasti annos, arma pro
Patriæ libertate gerendo. Omni tua ætas impensa labori,
utraq; Pallade tersa, & bellis & libellis insignis. Illa Te
Virum, hac Tuum caput bibliothecam fecit. Præter huma-
niora studia, quæ alijs ad laudem sufficiunt, etiam altioris
scientiæ fontes hausisti, ut magis Divinæ voluntati confor-
mareris. Imitatus es Æsculapium, ut Apollinem exprime-
res, libris ejus incumbebas, ut libera Gentis infirmitati, non
pharmacò, sed consilio medereris. Probat in Te magnam
legum Constitutionumq; exasse peritiam affectu & effectu
Iuris consilijq; publici aureus Tripas ILLUSTRIS-
& EXCELLENTISSIMVS DOMINVS FRAN-
CISCVS in Zywiec & Pieskówaskala WIELOPOL-
SKI, PALATINVS Siradiensis, Generalis Minoris Polo-
niæ Cracoviensis &c. &c. CAPITANEVS, & Te in æ-
dem Iudiciaria dignitatis suò Pegasò invexit. Commisit
prudentiæ Tuæ Iustitiam regendam, quam jam in Supremo
Regni Tribunali Marechalcali dignitate functus optime

B

guber-

gubernabas. Quis non videt ILLVSTRISSE DOMI-
NE Te exacte juris conservare regulas, nullas ad excepti-
onem respectus admittentem. Iterum urgente Palatinatu
Cracoviensi ad Tribunal Iudex Deputatus existis, & Tua
protectione, quisque in suo persistit jure. Quippe justitia
Cultor, servator honesti, in commune bonus, jura non ver-
ba fundebas. Revocasti ROSÆ Tuæ suaveolentiæ de Celo
Astraam cum equilibrio, favoribus exitum decrevisti. Delphi-
cum ceu Numen à toto Regni adorabaris Arcopago. Quid-
quid ex mentis Tuæ senaculo statuisti, pro oraculo habeba-
tur. Occupabat toties in jus vocatorum corda dolor, quo-
ties de sacro gressum movisti Tribunali. Tua absente CLA-
VE clausam sibi ianuam ad Themidem dicebant, presente
apertam, Et tunc tantum in bilance justitiæ librâ Phocionis
justius ponderatam suam causam rati; dum illi Tuæ sen-
tentia gravitas adfuit. Functione inclarescens Tribunalitia
major es Hercule visus, & Tribunali, & Castro Craco-
viensi presens, in utroque intricatissimas causas resolvendo,
decidendo. Decretis Tuis ille tantum non contentus, cui
ipsa justitia non ad gustum. Sanè Domus MICHALO-
VIANA, quod semper regiminis, & publicarum functi-
onum capax, ex Te ILLVSTRISSE DOMINE
ingens documentum. Sapius in Comitibus Mareschalca-
lem caduceum mole curarum gravem attollis, & Sarmati-
cus Mercurius vocari debes. Sub Te omnes in debitam
componuntur malaciam, qui disertâ facundia omnium con-
ciliare animos, illorumque astum, qui plerumque extra se fer-
tur, prudentissime novisti temperare. Ipse majestate ple-
nus vultus tuus antequam perorat, mentium victor exi-
sit. Musæ si mella Heliconia in labiorum alveari labo-
rarent, tanta suavitate non sic allicerent mortales, ut Tu
Magnates blandò oris tui eloquio. Quot quot in alijs
reperiuntur virtutes & decora, collecta tenes. Habes Ro-
muli magnanimitatem, Numa pietatem, Tullij Hostilij bel-

landi-

landi peritiam, Licurgi iustitiam, & quidquid modernum
saeculum elegantia sapit, id totum in Te uno, veluti Ilias
Homeri in nucis putamine, clauditur. Non hic encomiorum
tuorum scopus, quò altiùs laudator vibratur calamus, eò in
ampliorem laudandi devenit Provinciam. Ad sunt
ad Tuum splendorem diducta per Celsissimi Sanguinis
lineam magnarum Prosapiarum lumina, LESCZYNSCII,
POTOCII, DUCES ZBARAZII,
BOGDANSCII, WALEWSCII,
KAZANOWSCII, KOCHANOWSCII,
WIELOPOLSCII, KOMOROWSCII,
BIEYKOWSCII, IABLONOWSCII,
TARLONES, KOWALSCII, BRANIC-
CII, OSSOLINSCII, DEMBINSCII, ZA-
LESCII, WALISZEWSCII, MAJOVIJ,
GOSŁAVSCII, DANIŁOWICZOVJ,
RZESZOWSCII, POCIEIOVIJ, ZARANKO-
VIJ, TOMISŁAWSCII, LUCZYCCII, TOMIC-
CII, & alij innumeri Semidei, omnes Domus Tua grande
decus, columenq; Patriæ. ILLUSTRISSIMA MAŁACHO-
WSCIORVM FASCIA centrum honorum est, Tua
Domus ampliat decora, & Te illis coronat. In TERES-
SIA ILLUSTRISSIMÆ MARIANNÆ
MAŁACHOWSKA, CASTELLANÆ Ino-
vłodensis FILIA, Te digna Consorte inextinctum Do-
mus Tuae adauget splendorem. Pándora illa est, in quam
omnia decora propitium Numen, quibùs singulis singulas
beatas fecit, congeffit. Accedit Domui Tuae Illustrissima
pretium ingens, & ornamentum singularissimum in
magna expectationis carissimis tribus Filiis Tuis, (plu-
res votò Patriæ desiderantur) FRANCISCO, CASIMI-
RO, NICOLAO, quibus ad solatium Tuum crescentibus
crescent honores, crescent elogia. Taceo plura sub Gentilitia

*ROSA, Seraphicus Mercurius enarret gloriam Tuam
D. SIMON, quem vel ideo facundum dixi, ut pro Do-
mo Tua disertissimè peroret, vitam Tibi longævam ILLV-
STRISSE DOMINE, honores magnis Tuis meritis
pares, & felicissimos apud Cælum evincat successus, quos
precatur.*

**Illustrissimæ ac Magnificæ
Dominationis Vestræ**

**Humillimus Servus
& Cliens.**

Author Operis,

Tuam
ro Do-
ILLV.
meritis
quos



ORATIO,



Acundis & fæcundis voce Spi-
rituq; Divino Tullijs si quando,
nunc gyrante in deteriora Orbe
opus est. AA Multi enim auda-
ciâ furentes in Sarmatico solo
aspexere solem Catilinæ, multi
excæcati vitiorum ca ligine, imò
omni sensu destituti prodiere Andabatæ, quibus
nulla fides pietasq; præst. Depontanus quantum-
vis Mundus, non effetus tamen, plurimos parturit
Encelados, qui scelera sceleribus accumulantes,
Gygantomachiam contra Numina movent. Præ-
ter prisca Arrij, Calvini, Lutheri, sæva errorum
profligata capita, nata est septiceps bellua recen-
tior Hæresum soboles, quæ os suum aperit, ut u-
nò venenosæ doctrinæ hiatu absorbeat Univer-
sum. Rapaces terrarum Harpyæ, quibus haud tri-
stius monstrum, stygijs erumpunt de vndis, non
jam ut Phineum, sed sine fine Deum infestent.

B

Pe-ten.

Portenta hæc gnârâ quidem, quòd una fides, una est pietas, una colendi ritè Deum ratio, cætera tamen inveniunt, ut suam profundam ingluviem plenius exsatiarent. Charontes animarû Classes integras gentium per stygias paludes urgent, ut eas faciant infixas limo profundî. Infames famam sibi comparare gestientes, nocere potius eligunt, quàm latere fumosi: ideo Sacrarum imaginum incendiô velut Herostratus ille, Historiam ipsam sollicitant, ut pessimum nomen, cuius memoria omni odiô, omnibûs legibus damnanda est, posteritas ceu Numen adoret. Novæ extra sceleratâ Plutonis sedē Eumenides, quibus Increati Verbi Matrē impurîs verbîs laceffere, legum tabulas conculcare, in omne nefas ruere, hic unicus ludus. Contemnit dogmata Christi Sacer Lutherorum Ordo, quia socer trifaucis Cerberi, ferreq; sua putat Superos mente delicta erroresq; Indicit pietati bellum, nec aliam habet Sapientiam, quàm quæ mentes infatuat. Insanit non obscurè, firmitatem animi existimat non pavere ad Cælestes minas, addit nequitijs audaciam, ut iratum Jovem non tantùm videatur contemnere, sed provocare. Acherontius scriba illum calamum aptat, quò Sanctam fidem extra Thulen proscribat, illud atramentum ministrat, quò candorem Ecclesiæ intingendo denigret. Nullus adest improbo timor, vagatur delirus huc illuc, cuncta fortunæ moderamine autumans regi. Vastissimam Charybdim rectè eum dixerim, qui torvus gaudet inexhaustas aptare in pabula fauces, ut Petritiam abliguriat Liburnam. Sed quis efferatis Leænis obicem atq; aggerem opponet? quis purpuratus Eloquentiæ Princeps? cuius
sub

sub jure togaq; pacificas sævus tremere secures
Catilina. Quis Cineas verborum sonô stygiû mul-
tabit Momum, ne amplius Infinito Bono detre-
ctet. Quis Ecclesiasticus Jupiter ex ignitis exha-
lationibus conflabit fulmen, quô in Cælis mini-
rantes detonaret Cyclopas. Ad D. SIMONEM
de LIPNICA svadeo recursum. Ille absq; dubio per-
versum infernalis Lernæ caput Seraphicô igne
exuret, suffocabit. Ille allatrantibus sidera cani-
bus, ne dissoluti pererrent, funiculum suum, quasi
Catenam injiciet Hercules Gallicanus. Ille scin-
tillantem infidelium iram, quam nec Pharij pos-
set restringere regni exitium, fonte suo extin-
gvet. Sæviat licet animis vipereum genus, cre-
pet buccis inflatis Buccerus tamen, dum SIMON
D. coram suprema Cælorum majestate pro do-
mo nostra perorabit, quasi, ad parvam Persei
Gelones, obrigescet. Hic enim SIMON D. De-
mosthenes est, qui dictis multorum animos, & pe-
tora multis truculenta. Hic Arpinas, qui dum
Oratorios formavit impetus, semper tulit arma
disertus. Bene est; Mercurium & ego Seraphi-
cum pro Domo Domini faciendû incultâ Panegyri
demonstrare conabor. Cum quidâ sentiât Mercu-
rio lingvâ consecrari debere, meâ ego Tibi Mer-
curi Seraphice dedico, illam rege, ut bona omnia
dicat in tua præconia. Altum virtutum tuarum
tentans, ne Icariam redordiar scenam, tuis Sera-
phicis me instrue talaris. Multum hujus Sera-
phici Mercurij vos delectabit facundia, modò
benevolas in attentione concedite aures.

Regulandam ad D. SIMONEM minorem
Categoriam antequam attentare præsumâ, prius
in majori vestrum advolare in conspectum Mer

curium cupio. Hic ubi primâ vitæ caput rube-
scere aurorâ, aut quibus Parentibus natus si in-
dagatis, non vana fides docet genus esse Deorum.

E Jove Mercurius Nymphaq; Atlantide cretus
Est præco Superum.

Hunc candida Maja Cyllenes dedit, qui cùm E-
loquentiæ Deus extiterit, etiam Paranymphe of-
ficiū non detrectavit. Nuntius vel ideo factus,
quòd cùm alas in pedibus & capite gestaverit, ce-
ler in dandis Deorum responsis remanebit. In-
genus Atlantis Magni Plejonesq; Nepos, cui
tempestatum est data potestas, quòd turbulen-
tissimarum Civitatum jurgia, vî eloquentiæ mi-
tigare consueverit. Ex utroq; Cæsar extitit Mer-
curius, qui non solum literas & astrorum cursus
calluit, verum omnium, quæ ad eruditionem spe-
ctant, inventor appellatur. Sed veriozem Mer-
curium D. SIMONEM de LIPNICA reptabunda
dictio veneratur. Non Jove quidem nec Majâ,
sed magnis virtute, magnis pietate Parentibus
prodit feliciorî Lucinâ D. SIMON. Prodit non
in Cyllenio Arcadiæ monte, sed ad exesas sub-
montanorum rupes, inter illas novus Mercuri-
us vocem & Spiritum probaturus. Natum Al-
ma Parens gracilibus constringit fasciis, Mer-
curium præscivit, ne avolet, illum sibi ligari persua-
sit. Perorat non vagit in cunis D. SIMON, &
cùm tenues nodos non valet Pusio, ora resolvit
Mercurius. Stupendus infans, nec dum bene re-
ptare dedit, jam contra infanda nefandaq; sce-
lerum monstra consurgere novit. In tenera ad-
huc ætate Mercurius D. nihil temerum sapuit, sta-
timq; notus, quòd ad Divina natus. Major an-
nis datur ad Academiam Cracoviensem à pio Ge-
nito-

nitore non ignorante pietatem haud posse melius instillari, quam cum Musarum lacte. Sed quid dico ad Academiam? ad Palladem dicere debui; quæ cum sit filia Jovis quia ejus cerebro sata, D. SIMON ut Mercurius, ad eam relatione fraternâ pertinebat. Subintrat ergo adyta Pallados Jagellonicæ, & primò in Grammaticali consistit valle, Verbum Mercurius cognoscit, sed æternum. Bifrontis Parnassi conscendit cacumen, in quo vix doctæ D. SIMONEM plausibûs excepere Musæ, jam sùavius canere visæ, tantò agitante Mercuriò. Videns hunc Sacrationem Ephebum Pieridum Phæbus, jam Heliconæ, jam Aonium fontē, ut Citharædus Camænis alluderet Mercurius, deferrebat. Diu tamen D. SIMON inter figmenta versari noluit, æternam Veritatem secutus. Alas à Pegaso mutuatus, verus aliger Mercurius SIMON campum involat Tullianū. Tullius dum facundum SIMONEM spectat, conticet, quasi coram Diviniori Mercurio perorare difficile ratus. Sub Porphirianam arborem progressus, ex illa ut fiat Mercurius, scientificos discit sensus perorare. Ad Philosophicum tandem descendit stadium, in quo ferventiora adhibens studia, sic virtutis & Minervæ palato arrisit, ut suum Athletam ubiq; sequerentur. Temporis parcus dispensator, nullum, nisi honestarum artium piæq; devotionis otium adamavit. Egregia Mercurij indoles Sanctæ æmulationis acta stimulis non currebat, sed præcocibûs volabat pennis de scientia in scientiâ, de virtute in virtutem. Non diu ideò in stagiritico navigatum est Eurippo, brevi ad lauream appulit, non aliunde, quam à sua Encyclopædia virtutis nactus suffragium. Debeatur D. Mercurio pro

laurea virga, sed laureis coronatus, qui lauro & auro digna gessit. Doctorali bireto antequam dignus sibi creditus, se Mercurium ostendit & facundum. Hic jam alatus Mercurius fortunatior nifu, quàm Icarus, dum altum literarum superavit, in bivio stetit, quò tendēdū. Nec fluctuantem animō D. SIMONEM miremini AA.

Omnes in bivio sumus, atq; hoc tramite vita

Fallimur, ostendat ni Deus ipse viam.

In bivio certè locari debebat, dum & olim bicipitem Mercurij statuam in bivijis trivijsq; ponidit Orbis. Sed domi jam Mercurius D. qui in bivio Herculis visus, abit, quā Dij vocârunt. Cracium Academi lucum deserit, & qui nunquā noscitari atq; in lucem protrahi didicit, Seraphicis in umbris lucere exambit. Quid agis Mercuri D. SIMON? quid sine te gens tota Thaletum? Orbem literarium abeundo orbas, revertere, nec nostros desere cætus, utiq; magis semper apparet virtus, quoties est in publico, utcunq; per se illustris, in theatro tamen illustrior. Verba in ventum semino: scit D. SIMON, quid facit. Recedit à Mundo, ut mundus Deo in hecatomben cedat. Avolat ab ipso in maligno seu igne posito, ne adustis talariis vitreo det nomina Ponto. Fugit Mercurius mundanas Syrenes, disertius in deserta vanitatibus Bernardi Domolocuturus. Cælum enim est Sacra Patrum Bernardinorum Religio, tot syderibus cælatum, quot Cætibus Virorum, quot edecumatorum sapientiâ luminibus clarum. In Cælo Mercurios esse Divina fatetur Mathesis, D. SIMON uti Mercurius, ut in Cælo Seraphici FRANCISCI locaretur, oportebat. In quo si Seraphini duabus alis velant facies suas, inde SIMO.

MONEM LIPNICIUM ex virtutis & sapientiæ pen-
nis Seraphicum Mercurium concludite. Iam
Mercurius Seraphicus D. SIMON, cujus si San-
ctitatem aspicio, suspicio, si probitatem admiror,
miraculum esse dico, si oris maiestatem scrutor,
opprimor à gloria. Novitius SIMON novale
Cænobio, cum orationi contemplationiq; vaca-
ret, usq; adeò pietatis alis mens Seraphici Mer-
curij attollebatur, ut ipsum Cælum attingeret. Ca-
stior Hyppolitus SIMON Reginae Cæli suum cor
liligeri candoris plenum dedicavit, quod adeò er-
ga Illam inflammavit, ut hæc Sanctior Ægeria
Numam suum fateretur. Nunquam somno de-
dit pervigiles oculos, semper Paranympheus Divi-
nus SIMON dulci cantu salutationem ingemina-
bat AUE MARIA. Verum uti nullus Jupiter
absq; suo Mercurio, vocat Deus ad Sacerdo-
tium D. SIMONEM, ut jam non Seraphicas
supra Arcam Domini alas, sed ut Ipsum Arcæ te-
stamenti Dominum felix Verbi Incarnati bajulus
portet. Factum est in terris, quod boni Divi ius-
sere. SIMON D. Mystra factus, victima DEO
stetit, non frustra Vitellium diceres, quem tamen
non ad forum Boarium exposuit Vauellus, sed
ad Sacratiores Aras. His admotus Mercurius, lu-
mina quod potest lacrymis implet obortis, ne se
aridum virtutibus demonstret. Quid sibi volunt
tanta lacrymarum stillicidia D. SIMON? si aliquas
Tibi vitiorum agnoscis culpas, nullas in te linceus
Erebi oculus adnotavit. In terra adhuc, & jam
terrenorum nescius extitisti, quid modo? ubi tua
conversatio tota in Cælo Seraphico manet. Si-
namus flere SIMONEM, Mercurius Seraphicus pro
Domo Domini peroraturus, lacrymas ab oculis

fundit, ex illis gemmas verborū, ut colligat. Nec
solō contentus luctu, iniit luctam cum sua carne,
hanc ut titillantem domet, non domum, aſt in fo-
veam ſeſe demittit. Mercuri Seraphice geminos
hīc Tibi aſſe video, ubi geminam Matris telluris
propaginem, mordaces vermes, qui te exedūt, ro-
dunt, terebrant, ſanguinemq; eliciunt puncturā,
nec unō punctō, ſed continuō, fortē, ut tibi Sera-
phico Mercurio purpuram Martyrij, an togam de-
pingant. Proh dolor! quouſq; tam immanes ſub-
ibis morſus D. SIMON, qui nullum ſentis tuæ
conſcientiæ vermem. O ſummam patientiam SI-
MONIS LIPNICIJ! qui in tanta cruciatuū abundan-
tia nec deficit, nec dehifcit. Ad exoticos ſoles ala-
tō pede carpit iter, ſolus SIMON Seraphicus Mer-
curius viſendus. Nec ſine miſterio: ſcivit certē ſte-
rilem Saracenorum glebam, ideō, ut in illa opima
optimaq; virtutum excreſcat ſeges, Divinior Mer-
curius ei benignō favet aſpectu. Aſperiora Mar-
peſiā caute Saracenorum pectora ut emolliat, &
veriūſ, quā Amphion teſtudine Thebas ſurgere
faciat, Citharam pulſat. Immō impium genus ſup-
ponens eſſe ſine fidibus chelym, quam ut efficiat
arte canoram, ei unam applicat fidem, quæ eſt cre-
dere Deum. Non jactitet Mercurius homines ſe
ad humaniorem vitam reduxiſſe. Seraphicus Mer-
curius SIMON pluſquam feram, quia efferam gen-
tium extranearum barbariem ad Deum convertit.
Lacte Junonis, quod ex ore exciderat, fecit viam
Mercurius in Cælo, hanc ad Cælum D. SIMON
verioreſ fecit, dum in aridum Paganorū lactea
Chriſtianæ doctrinæ mittebat fluentia. Non Le-
gatus, ſed viator Mercurius noſter petijt Hieruſa-
lem, volens ne illi hæc civitas indulgeret, quæ
Prophe-

Prophetas occidebat. Ast non Martyrio voluntas, sed voluntati Martyrium defuit. Repetit itaq; Pænates suos Mercurius Seraphicus, Religio Salutorio plausu, & intimô cordis jubilô circumstat, Superiorem proclamat. Proclamatus D. SIMON Superior recusat, recusantem urgent. O verum Divinæ humilitatis Æmulatorem! virtutum prædicamentum SIMON, subiectum vult esse, subesse non præesse curando. O Seraphicum Mercurium! qui talariis licet instructus, ima tamen, non alta petit, & se ipsum admonet: *Non sis Prælatus, non sis Medicus*. Iam hîc non deberet in laudes exaltari facundia, ubi Seraphicus Mercurius humiliatur. Sed necdum oracula pandentem audivistis Mercuriû SIMONEM, nunc linguis, animisq; favete. Advenit ad illum Ecclesiastes consilium petens, ex quo fonte ducturus est sacri sermonis exordium, ut exodium terminale peccatis imponat. Quomodo possit detonare, ut pœnitentibus amarum indicat imbrem, quæ verba ignita adhibere, ut frigidos in Septemtrione mortales ad pietatem accendat. Breviusus laconismo D. SIMON, veriora Tripode dat responsa: *Ora, Labora, Despera*. Sed quid est Mercuri Seraphice? Ora labora scimus, mirum despera percipere non possumus. Vel ne desperare jubes? contra Spiritû Sanctû est. Ex folio Sybillæ perplexitatem ambagibûs involutam ne quæsieritis, D. SIMONEM audite explicantem. Despera de tuis viribus, non de Divino auxilio, Præcones verbi Divini hanc maximam putent sapientiam non sibi inniti, sed Deo fidere, & confidere. Plura addiscetis AA. Magistro Novitiorum attendite SIMONI. Petentes susci-

luscipi ad sociam Regulam, qui si non cereo im-
pleri spiritu, sic probat D. SIMON, mandat
candentem adferre ignem, & sub illorum sterne-
re pedes. Non turbetur cor vestrum Juvenes dile-
ctissimi, nec vos abscondatis à calore ejus, aut
metu percussi, an percussi inalgescite, dum statis
ad ignem. Carbones hi igniti in ignes vobis ce-
dent triumphales. Calcant uni, cæteri reformi-
dant, impossibilitatem, ut ignis frigefaciat Mer-
curio Seraphico obijcientes. Parcite mihi futuri
Sacra Regulæ cultores, frustra contrariamini D.
SIMONI, vos parere decet jussis, dum grata ju-
bentur. Herbas, quæ rupta tellure cacumina tol-
lunt, sursum radicibus versis plantate Novitij, nec
quid novum sub sole autumate, majora visuri.
Proceram Jovis antiquo robore quercum pro-
prijs effossâ manibus ipse D. SIMON frondibus in
terram, radice in Cælum erectam, solo modo in-
solito ponit, quæ statim in ramusculos exubera-
vit. O prodigium! sed non apud nostrum Mer-
curium. Tantus inest sanctiori Planetæ influxus,
ut etiam truncos inclinari vegetariq; faciat. Con-
juxit in pacem Mercurius suo caduceo pugnan-
tes inter se colubros, verior Mercurius Seraphi-
cus SIMON, virgâ directionis repugnantes vo-
luntati suæ pacificavit Novitios. Appage fastu-
ose pacis & armorum arbiter, nec collauderis a-
nimas de Erebo evocasse, ventos concitasse, ac
nubila trajcisse; Seraphicus Mercurius partes
impulit in omnes. Liberavit ab inferis toties pec-
catores, toties virtutis spiritum adversus notos
sibi vitiorum Notos concitavit, quoties in san-
ctioribus rostris facundus peroravit. Ille de ore
Mercurij SIMONIS procedebat gladius, illud in-
genij

genij acumen, quô à recalcitrante Superis popu-
lo inveteratos criminum stolones dedolavit. Ful-
gere sanctitate cum nunquam desierit, sæpe non
desijt contra petulca licentiosioris vitæ castra ful-
gurare. Periclem eum dicerem, ni probarem Mer-
curium, qui dum detonuit, nullius lacrymâs pu-
pilla non pluebat. Excitavit Seraphicis Mercu-
rius alîs, etiam exæstuante Syrio, in torpentibus
glaciali erga Deum frigore igniculos amoris, ut frigida ho-
minû corda Divina accenderentur charitate. Non
tot caducas educat frondes Eryx, nec verê flores
tot medio creat, quot animas facundus Mercurij
Seraphici eduxit ad sidera sonus. Finxerit sanè in-
geniosa Vatû commentis antiquitas Mercurium-
aureâ catenâ auribus hominum annexâ, mortales,
quocunq; collibuisse, trahere, id veriori dogmate
liquet Mercurio Seraphico adeò suo blandô elo-
quiô mortaliû catenâsse animos, ut alij excussô
vitiû jugô, reciso effrenis naturæ impetu, ad
sanam utilemque redacti fuerint virtutem, alij ex ob-
scæna mundi caula, ad Religiosâ exulaverint aulâ.

Multis in locis D. SIMON facundus vobis
patuit Mercurius, hîc facundissimus, ubi pro no-
mine IESU, erga quod totus amore liquebat,
tam ardentissimô ferebatur zelô, ut illud cum
populo grandî tonô proferret, JESUS, JESUS,
JESUS. O merum dulcorem! o meram Cælo-
rum ambrosiam! O effatum! quod dum Mercu-
rius fatur, ridet Cælum, exultat terra. Ubi sunt
gemmeæ dactylotheçæ? ut monile hoc Divinû
conservent, ubi plausus & triumphi? ut vocem
hanc excipiant. Influxit in labia, cordaq; mor-
taliû dulcissimum Salvatoris nomen, quod non
nulli pro amore habêtes, immò Solis Justitiæ im-

patientes Polyphæmi Capitulo Cracoviensi deferunt Mercurium Seraphicum, quasi idololatram. Citatur D. SIMON, citatus mandato paret, terminum attentat, dumq̃ intra trinas Vavelli consistit coronas, spinis argutionis pungitur, cur novum morem introducat. Sed frustra pro domo Salvatoris facundus damnatur Mercurius, qui suam eloquentiam Æterno Verbo semper conformabat. Lignum delubri, cavete, ne dixeritis, Mercurius est, Deorum immortalium cultus, & sacra instituere debet. Nuntium si putatis, encomia DEI proponere ejus officium. Non est versutus Synon D. SIMON, ut simulatam præseferat sanctitatem. Exosus ille Pseudopoliticus, qui quidquid ajunt aguntq̃, sanctitatis minus est, ipsi, veræ pietatis sphinges sunt, quã simulant non præstant, sepulchris veterum Romanorum similes, quæ in titulo nomen Divinitatis præferebant, Dijs manibus consecrata, sed intus ossium, & cinerum inquinamentis scatebant. Invenit tandem Halcyonia sua Mercurius Seraphicus, qui aliquantisper jactabatur procellis. Peroravit pro se lacrymâs, & felix pro domo sua Mercurius, Orationis finem consecutus. Non tam ad proposita, quàm ad D. SIMONIS fletum inflexus Vavellus, instare cæpit, ut, quæ agitasset, exequi vellet. Egit Mercurium pro Domo Domini D. SIMON, immò Angelum in carne, quem audire inexplibilis voluptas, cum quo colloqui cunctis erat Tantalea sitis. Defecit tandem Mercurius noster vitali spiritu, non tamen vocibus perorandi. Proximus morti, nudus in nuda locari petit humo, ad ostiũ sepeliri exposcit, nunquam ipse os suum claudere volens, quò pro Domo Domini peroraret. Gravè
confe-


confectum morbo invadit orco Parente nata So-
boles, & ore vapido fatur: SIMON Seraphi-
ce; quare parum piscium sumpſisti. Verum quid
tentas D. SIMONEM, contra quem si ipsum A-
cheronta moveres, omnes essent præstigiæ fru-
stra. Time tibi, SIMON Divinissimus Mercurius
est, mactabit te infernalem Argum. Citiùs ista
fecit, quàm dixi, clara eum ferijt voce: *fuge Satana*
Fugit illico Euro ocyùs sua in antra tenebrio A-
verneus, quem Divinior lux Seraphici Mercurij
perstringendo fugavit. Hucusq; in terrestri sphæ-
ra Seraphicum Mercurium vidistis, nunc illum ad
supremam Cælorum Regionem elevatum intuea-
mini. Ante Vacunæ ferias dum alij silentio va-
cant, Cælum Cathedram nactus Mercurius SI-
MON, ad Majestatem Divinam pro Domo Do-
mini incessanter peroraturus. Semper adesse soli
Mercurium ut Satellitem & Cancellarium si cre-
dere fas est, nostrum Seraphicum prælati Regia
Cæli excepit, ut Increato Phæbo assisteret. Im-
mò collocuturus cum Jove Mercurius, legumq;
arcana hominibus explicaturus, sideream Olym-
pi sedem occupavit. Vestra est laus Cælestes a-
nimæ, mellifluum Bernardi os, Religiosissimi Pa-
tres, quòd facundum pro Domo Domini habe-
atis Mercurium. Hanc à vobis Tyresias tantum
secernit, qui vos esse Mercurios non cernit. Vos
quotquot Seraphini computamini, tot Mercurij,
quia pro honore DEI, pro nomine JESU diser-
tissimi. In promovendo cultu Divino, ut veloci-
ores sitis ipsi, talaria Seraphici Mercurij induitis.
Vestris laboribus Sanctitas Ecclesiæ elucescit, ignitâ svadâ
decoratur, hostes hæretici profligantur, vestrò pla-
cidissimò eloquiò Sacratior Senatus, Infulis desti-


nata Capita permulcentur. Stylô Oratoriô in
præconia ulteriora excurrenti, manus in Crucem
compositæ pro terminali columna sunt præfixæ,
& digitû ponunt ad labellû. Pro vobis Patres Re-
ligiosissimi Mercurius peroret SIMON, vestrisq;
meritis ipsum inclinet Cælû. Quare Mercuri Se-
raphice loquere pro Domo tua, pro domo Patriæ
corâ Divina Majestate, ut sit pax missa per Orbem
Sarmaticum, almaq; regnet faustitas. Et cum sis
Mercurius, redde mitem nobis Tonantem, eripe
Jovi fulmen, ne eô feriamur. Almam studiorum
Matrem Universitatem Cracoviensem Divorum
Poloniæ filiam Regum sub Tuis Seraphicis Mer-
curi Divinior conserva talarijs, ut à cunctis adver-
sis sit secura. Vesanum Hæresum furorem
mira tuæ vocis suavitate compesce, ne
jam amplius in Orbe Lechæo scin-
tillet. Esto pro Domo Domini
Mercurius, ut deduxi &
D I X I.



ra:
de-
la-
A,
N-
m-
lo-
le-
ra-
ab
ge:
ta-
æ









G
410